



薪齋初集卷之七

紀

錫山誌備採十則

錫中祭先多用熟牲。如祭神然。不用上口菜碗。且一獻卽徹。絕無如在之誠。若用上口菜碗及湯飯酒漿。以次躬獻。悉遵晦庵家禮者。邑中不過高景逸總憲。劉本孺光祿。及吳覲華貢士。鄒經畬茂才等數家而

錫山呂

陽全五著

同盟黃家舒漢臣選



已○祭○先○不○用○脯○膾○是○神○其○祖○宗○也○神○之○者○不○親○一
獻○卽○徹○是○鬼○其○祖○宗○也○鬼○之○者○不○尊○不○尊○不○親○非○孝
也○周○禮○不○云○乎○宗○廟○有○裸○鬯○禮○既○裸○而○獻○有○薦○腥○禮
既○薦○而○肆○有○薦○熟○禮○既○肆○而○饋○有○饋○食○禮○今○裸○鬯○薦
腥○之○禮○卽○不○可○行○于○私○家○而○有○薦○熟○無○饋○食○豈○孝○子
盡○物○盡○志○之○宜○乎○應插入第四卷風俗之末論之前

萬曆年間、顧端文于書院旁隙地、構東林精舍、與
總憲劉光祿、葉司空等諸君子、集四方之俊秀于
中、講習四書五經大義、聽者圜橋、復設文社考較

士登進後學頗多、國朝自薛文清王新建、鼻祖
後、至鄒元標、馮從吾等諸公、爲盛吾邑、惟高忠憲、
孤忠邃學、嶽立朝端、爲人林師表、而科臣朱童蒙、
以憲臣講學爲門戶之梯、宜專職業、惜精神、痛以東
林爲戒、葉向高、文震孟諸君子、交章揀之、不可得、以
致龜山講堂、鞠爲茂草、信乎東林之廢興、人心之邪
正也、人心之邪正、天下之治亂也、法度風俗、進賢退
不肖、非復東林以明正學、其道無繇、應入第六卷龜山書院之末
鄒愚公學憲亦設有義塾、在惠山之關帝廟東、今已

廢又助學田三百畝于學中以贍貧士

秦儼塵每歲出租若干于家儲以贍貧族亦號義田

夫義學之興元晦曾以之獎劉侯義田之舉公輔

曾以之稱文正高風雖不可再而取其意而推之吾

邑可以無失所之民無失教之士矣以上應序入第
六卷華氏義塾

次之

王問字子裕善画山水人物

王鑑字子明仲山子善画白描人物

談志伊字思重善画花鳥艸虫

安紹芳字懋卿易名泰來字未央大學生某年鄉

中乙榜鬱鬱不得志遂棄舉子業陶情詩賦與王

洲王百谷俞五浮諸名公結詩社為樂画工山水

長于蘭竹所著有白榆集以上應裁入第十
六卷文學條內

龔廷祥字伯興號佩潛家貧力學舉進士弘光時

授南京中翰清兵渡江遂奮身投武定橋河中而死

蓋慷慨授命之貞臣亦從容就義之志士也吾邑期

年之間既得馬文忠又得龔中翰亦可云節義之邦

矣應人第十七
卷忠節之末

陳國賢東門亭子橋萊傭也早喪父有母年老性酷嗜酒晨起寢眠國賢預漱釀具以待終身如一日母以壽終或曰此小孝不足稱不知行傭供母自江革以後無聞國賢爲小孝何以云江巨孝乎應入第十七卷

孝友之末顧氏傅士庭之妻年二十三而寡生男有成尚在襁褓中艱辛十指孝養翁姑凡三十餘年萬曆己酉巡鄧諱澄特獎其門邑侯許諱令典亦捐俸以助餽粥焉惟以貧薄之家未得題請爲恨

薛氏邑庠生呂鼎之母十九歲而寡血指養親熊課子壽七十七以無疾終院道旌其門曰節孝修神廟實錄嗚呼十九歲而寡匪寡也猶之乎字也七十七而終匪終也猶之乎未亡人也當道而禮焉匪旌節也誌烈也居儒門理素業而矢歌黃鵠有如此者孟光之女老萊之妻陶嬰之妹漆室之姨也

徐氏呂完音之妻年二十七懷祗十有六月而生女乙酉閏六月兵臨東郭男婦驚走相半于道氏匿藜

草中女哭不止。兵轉迫索氏。不屈抱女投河。屍潛數里。尋現波中。女猶依母不離。邑人以其殉節哀之。晉至元間。龍溪縣陳端才之妻蔡三玉。山寇逼之。不從。投水死。寇曰。溺者必躍。以長竿絡鈎。俟其躍而舉之。尸竟不躍。寇退。乃逆流附伊父舟。屍從之上者三。父異甚。視之。則其女也。因痛哭而歛焉。今徐氏于兵之中。高三玉之操。固云貞矣。而抱女投河數里。遙母子相依。形容不改。烈婦之竟。河伯猶將畏之。肯爲客所污耶。以上應入第十九卷貞節之末

漢梁鴻字伯鸞扶風人嘗適吳依臯伯通廡下爲

舂其妻孟光具食舉案齊眉伯通異之曰彼傭能

其妻敬之如此非凡人也乃舍之于家以賓禮待

按梁鴻溪卽今縣城西之清溪唐荆川詩云地卽梁

鴻宅溪連范蠡湖是也縣北十里有高橋跨五瀉河

之上或云卽臯伯通別業臯誤作高云應入第十九卷流寓條內

粲山之陰有石臼中有清水一泓冬夏不竭相傳爲

盧至柔搗藥物也應入第二十二卷明陽觀之末

唐白居易樂天墓在鸞湖之新橋居民未之知也明

崇禎年間樵者鋤其隙得劍一鏡一寶光射人碑覆其上姓氏列焉鄉人始立石以表之樂天爲太原人又徙下邳官左拾遺貶江州司馬再遷杭州刺史入爲刑部侍郎乃移病還東都稱香山居士未聞其家于錫也何以葬爲或曰此疑塚也操懿輩應有之香山爲正直儒臣不應有此以愚異鄉然聞貶謫石後旣失志能順適所遇託浮屠生死說若忘形骸久之或其音徽所及卽其遺骸所及如水之在地無所往而不在耶況自汀州而武林必往還于梁

慧水之間而以鷺湖吉壤爲掛劍脫簪之地剡土

臺預營寂穴如司空圖故事亦未可知則其設塚

鷺湖宜也應入第二十三卷冢墓條內

偶爾涉筆皆關文獻覺坡老志林尚多遊戲

啟箋

請朋友壽筵啟

伏以葇菘知春出自通玄之館摩娑鑄日嘗遊薊子之村五更席上尊罍三行六老圖中鬚眉四皓寒泉乍涌冬筍還生在竹林佳客方以非酒不歡者而垂

眷于非帛不煖之人。乃菽水貧兒。敢以事父未能者。而兼尸夫事友未將之辱。是用辰訊參尾。日卜庚寅。燃藜太乙之峰。洗髓鴻濛之澤。汲西神之水。為種壽。泉茹陽羨之茶。為金光草。西汪一咏。賴高朋之和。反而掩映。蜺旌東海。諸珍資勝友之先嘗。而依稀龍鮓。俾人間長史。皆可酖日面。而醉天腸。庶外國東方。不至汗風聲。而虛鍾乳。日中為約。卜夜無歸。一夕笙想。十屋中籌。添萬一兩行。翡翠知諸君。內人可一。蒲菘小架。既辭金粟之靡。香醴巨觥。莫厭紫霞之。

曾孫負席耆老迎門謹啟

如入郇公厨山珍海錯都非世間所有

回聘啟

伏以巨棟擎天。喜樾蔭協。絲蘿之好。洪流浴日。羨。池來翠鳳之祥。惟道諧於珪璧。相親以誠。斯情洽於葭苒。不謀而合。締三千里之新盟。思借玉堂。以鑲玉珮。聯五百年之渥眷。庶幾冰灼可鑒。冰心爰泐。報章以申。愚悃恭惟老年親翁閣下。彌天學業。冠世才猷。登常伯準人之座。俄驚黃閣。而黑頭建霖。雨舟楫之。

勛○祇○佩○青○瓊○而○赤○舄○禁○中○頗○牧○合○邊○陞○烽○火○潛○消○知
 萬○里○長○城○之○有○賴○巖○壑○夔○龍○薄○海○內○文○章○日○起○見○百
 年○元○老○之○猶○存○惟○桐○江○望○繫○一○絲○斯○綠○野○名○高○三○顧
 飲○泛○流○霞○光○炤○東○山○之○月○琴○彈○永○晝○心○傾○西○雒○之○蔡
 南○陽○高○士○皆○稱○卧○龍○豫○省○兒○童○相○携○司○馬○繡○帳○爭○看
 百○子○雕○欄○蚤○訂○雙○絲○吉○人○有○後○自○麒○麟○閣○上○驚○傳○
 趾○之○多○賢○福○履○其○旋○從○鸞○鶴○坡○中○忽○見○鸞○書○之○賁
 訪○良○姻○於○樛○木○乃○惠○顧○於○薪○芻○弟○某○幸○同○蘭○譜○
 荆○枝○隨○寅○清○之○後○矢○一○心○一○德○以○無○忘○居○丙○吉○之

繩○胥○保○胥○惠○於○靡○斃○朱○陳○非○迥○王○謝○猶○慚○所○以○練
 椎○髻○未○敢○窺○羅○幔○于○瓊○樓○而○乃○絳○燭○鮫○紗○至○欲○門
 匝○於○葦○戶○展○也○王○丞○相○之○門○多○生○玉○樹○母○乃○蔡○中
 之○女○有○愧○色○絲○既○辱○先○施○敢○忘○雅○約○並○宅○魚○鳧○二○地
 適○同○乎○分○野○問○津○烏○鵲○兩○家○方○在○於○孩○提○荆○溪○非○宓
 女○之○栖○涿○邑○有○蹇○修○之○聘○錦○字○堪○珍○愛○清○泉○流○來○紅
 葉○赤○繩○難○繫○矜○白○壁○產○自○藍○田○一○陽○來○復○知○折○梅○驛
 使○皆○投○李○而○投○桃○六○幣○初○將○占○繫○綵○仙○郎○必○如○魚○而
 如○水○鳩○鳴○洲○渚○之○和○鰲○戴○丘○山○之○重○伏○願○歡○諧○鼓○瑟

氣○洽○吹○薰○絲○綸○世○掌○以○補○衮○之○素○而○垂○鑒○於○結○補○麴○
藥○咸○調○充○作○醴○之○和○以○旁○通○乎○合○卮○則○八○世○占○以○今○
朝○而○三○黨○垂○之○奕○葉○敬○將○台○旨○端○拜○嘉○儀○弟○某○可○勝○
感○戢○欣○忭○之○至○

此辛巳冬全五代周挹齊相公答馮振鷺相公回聘之故一榮膺再召一請居林間而聯秦晉之姻於燕吳之遠作者頗費經營乃有七襄天杼之巧明稍單穀何足以云

代友請馬素修老師壽筵啟

伏○以○修○篁○皓○鶴○多○圖○翰○苑○之○家○白○苧○銀○魚○每○請○長○
之○宅○耆○英○勝○事○上○相○遙○傳○愧○非○地○行○之○仙○敢○速○天○

之○客○念○歸○省○之○韶○華○方○麗○不○先○君○而○後○親○知○承○明○
盼○睐○良○多○必○因○宗○以○及○眷○投○李○未○遑○爾○玖○傳○柑○棗○
承○筐○碧○桃○星○綉○似○紫○薇○花○發○玉○堂○紅○杏○金○鋪○同○燿○
枝○橫○皇○市○豈○以○老○萊○子○之○斑○衣○爲○霓○裳○羽○衣○之○舞○
如○尹○吉○甫○之○魚○鱠○爲○郢○醪○蓬○鱸○之○筵○席○話○功○深○十○年○
塵○尾○手○同○一○色○坐○聽○絲○竹○可○濂○洛○仍○可○東○山○笑○把○瑤○
樽○在○黃○扉○亦○在○綠○野○稍○輟○鷄○人○之○唱○且○虛○酒○正○之○監○
長○生○隊○裏○見○青○團○扇○紫○絲○履○與○九○節○杖○偕○來○慶○老○堂○
中○惟○玄○洲○柰○崆○峒○瓜○與○一○條○冰○並○獻○歡○逾○關○尹○樂○過○

榮期聆昇平之玉屑。繇庚亦可賡詩。彈碧落之琅璈。
魯鼓不煩圖象。恭迓德御。曷任光榮。謹啟。

絲肉競奏
宮徵暗移

遣迎錢六謙之新任啟

老年翁谷陽仙軌。京峴神輶。揮灑六游。納沉瀜三辰。
之氣淹通。百氏携。嫗二酉之書。球琳驚擲地之。聲汗血有兼程之。驥步於昭。帝命特借監藩。以碌因人。一無短長。如弟者追陪龍尾。伏謁螭頭。既心香於蕙譜。分祿庫司。濫竽駕部。復邀神醉於樞。

不謂一方維翰之官。復有易地皆然之契。海隅且

地當鯨鱷縱橫。壁壘星屯。人見熊羆戾止。謨敷本

韜藉回天。俾木牛流馬。五丈原著。吞吳馘魏之奇。

沙雁汀鷗。八景画收。震澤襄陵之美。况突星瀨。劍

湖半是衝鋒之藪。而木合嶺九盤巖。皆爲聚米之山。

以閩內廉頗爲行邊富弼。龍淵躍處。甌海無不風之。

波隼旆旋時。惡溪有自殲之怪。鉦笳雨息。萑葦燼銷。

將勒伏波之柱。望古非遙。用還合浦之珠。於今再見。

挈李郭于同舟。傳范韓于兩郡矣。僭陳欸欸。聊致戔

彘脊念旌懸臨岐搖曳

麗而能蒼非
老筆不能辦

上徐虞求冢宰乞休啟

老○先○生○以○阿○衡○之○才○膺○掌○建○之○寄○握○三○銓○定○九○流○不○
數○丘○山○沔○水○冠○六○卿○綜○百○職○任○吹○黃○紙○清○風○唐○朝○尚○
父○望○之○握○衣○江○左○夷○吾○趨○之○負○劍○而○區○區○之○進○退○敢○
不○決○于○斷○斷○之○品○題○哉○顧○某○春○織○下○質○秋○草○蕪○姿○
嗟○蘭○不○茂○而○芷○又○荒○詎○意○樹○有○檀○而○下○維○穀○過○微○
眷○特○賜○諄○留○馬○誤○驪○黃○已○定○價○于○九○方○之○顧○鼎○分○

屬當取裁于柳下之言沂所自來知非偶爾冰寒

苦○雖○奉○教○執○此○硜○硜○綆○促○褚○織○媿○酌○知○猶○然○默○

束○身○以○待○黜○每○延○領○于○投○閒○乃○欲○去○而○不○能○殊○欲○

而○未○可○以○清○自○矢○則○貽○皦○皦○之○譏○以○慎○自○居○則○來○

察○之○悔○紙○顏○鷄○骨○對○鏡○含○羞○藥○餌○龜○膏○臨○風○自○怯○存○

亾○之○痛○在○心○消○長○之○幾○不○遠○恐○愚○公○之○移○北○山○不○出○

山○中○而○夸○父○之○追○西○日○終○休○日○下○簞○揚○奚○取○揮○策○安○

從○台○臺○若○以○其○年○青○則○三○事○豈○無○英○少○若○以○其○質○美○

則○六○條○自○有○循○良○鄧○林○之○散○木○何○必○寘○之○通○衢○崑○嶠○

之○凡○毛○不○妨○投○之○海○外○况○休○官○之○請○至○再○而○三○將○母
之○私○十○不○得○一○惟○台○臺○憐○而○許○之○生○有○餘○光○歿○無○留
憾○矣○

澹雅閑逸
酷類香山

癸酉秋季復誠之爾嘉兩伯兄

弟○負○前○生○書○債○鍛○羽○征○途○流○水○空○彈○荆○山○自○別○每○當○
雁○喚○晨○霄○鶴○鳴○晡○渚○之○際○念○及○母○老○家○貧○恒○爲○落○
佯○卧○警○枕○則○了○功○業○不○建○髀○肉○復○生○之○嗟○小○醉○就○
寢○及○夜○分○忽○覺○寒○透○重○衣○冷○入○肌○骨○腹○中○酸○楚○萬○

不○啻○及○橫○劍○樹○槩○列○刀○山○此○情○此○景○賓○友○誰○知○無○
窮○民○實○罹○此○禍○敢○不○努○力○以○答○孤○孀○適○惠○僕○詩○妥○
鄙○苦○書○殘○簡○鬻○復○遇○饑○燼○火○盡○燈○灰○頻○來○泣○鬼○大○
何○以○慰○之○

寥寥數行
嗚咽無比

致鞏鴻昏駙馬回扇

家○姊○丈○趙○覲○墀○平○生○有○扇○癖○饑○非○扇○不○飽○渴○非○扇○不○
潤○寒○以○之○溫○煖○以○之○涼○夢○以○之○覺○勞○以○之○憇○比○之○孝○
標○書○滯○性○尤○過○之○今○齋○檀○扇○一○握○越○三○千○里○而○來○求○

當世名公繪事。以當破老之姿。以作忘憂之艸。非張敞無可意者。敢祈台臺揮翰之下。咫尺江山。俾舍甥挾此而歸。以樂其親。則雖九華之筴。傳自漢宮。而又得曹子建爲之賦。其光美不是過矣。

風流
自喜

謝蔡霽寰總戎賀九月節

台臺英風激爽。灑氣迎秋。萬點鏤金。輝映桃都之半輪碾白。光涵桂海之波。景美辰芳。古人喜登山賦。潭清潦盡。今日看鴈字書雲。某一身羈客。忽驚

下人來半臂。纏紅聊效紫茱。作佩殊媿拙。同九九

逢慶叶重重。拜祝瓊敷。有如衣授。謹謝

佳句堪傳不朽

答徐貞菴門翁

蕩寇之役。老門翁英謀妙筭。屢出奇師。以逸制勞。以少擊衆。至于孝順村之捷。斬其渠魁。以張一軍。許都之不戰。了蹶者。籌之帷幄之中也。民功日庸。戰功日多。兩者兼之。司勳之詔。固不廢耳。鄭都闡先登陷陣。繼之以死。國之爪牙。邦之心膂。題卹何疑。然鄭弁

所以喋血行間。臨危致命者。又寧非門翁齋斧之誠。投醪之惠。有以激其忠憤。遂甘引頸之刑。勒銜鬚之劍。乎。咎人于縮高之死。不賢縮高而賢安陵君。于神策將軍之勝不多。神策將軍而多。其軍師張巨濟。推所自來。聲施益遠。弟雖鹿鹿。因人敢忘同舟之義。謹泐數行以報。

末語壯甚不減三峽濤聲

致賀仁宇

尊體雖漸愈。還須靜攝。以調六脉之和。訪諸醫生。

吐血咯血。其症不一。秘方載為傷肺所致。止用白世一味為末。每服三錢。米湯調。臨卧服之。謂為神妙。本草但云白芨主收斂。止肺澁而已。而秘方謂為補肺台。恙得母肺受傷。歟。勞後之酒火也。火尅金。主肺得母近是歟。因便附及不盡。

情悃直逼古人

癸未冬答靜銘大哥

捧讀來書。卹然若失。非時之麟。應遭顛沛。而流氛不逞。遂成燎原。莫可嚮邇。甚有開門揖寇。執主帥以媼。

賊渠而恬不知耻者真保未聞瓦全范陽危若朝露
兩月以來成敗利鈍亦畧可見而邸抄中絕海澨各
天吳越鯀生當不禁搖搖目斷耳方今淮揚以北銅
靴告警十郡而九雖諸名士新亭之淚時揮戎服之
登相繼而一望茅葦村落丘墟英雄無用武之地况
以風鶴之疲師當虎狼之勅旅韓彭再起亦難搜諸
負隅自非天祚宋基人思漢德決之淝水之兵昆
之戰寇氛日惡未可曷也大江以南三流七渡安
所關如荆南之公安石首岳之北津鄂之武昌皆步

符藪惟太平之采石建康之宜化鎮江之瓜洲差

要領又未知當事綢繆若何而且青齊之呼吸多

吳服之臂指莫助至尊蒿目宵旰焦癯為臣子

滅賊則朝天有期賊在則歸闕無日寧惟卧不貼席

抑亦食不下喚矣大哥廟筭久淹何以策之遠臣杞

憂徒懷切切即今所守尺寸之土兵如驕子餉若量

沙邇復以西北縱橫于兵則奉旨裁割以備三衢

于餉則奉部那移以充援糗地方之手足血液小民

終歲勤動俯仰之資勢如熬膏不竭不止長沙之痛

全五初集
哭流涕惡能不灑此日哉家慈內子已歸田舍弟唯
拮据卒瘞以俟之世皆爰爰之羅我亦蚩蚩之子有
君不覲有母何養忠孝兩言一未有全弟之生于天
地亦徒耳何日鉦鏡罷奏鷄鶡無冠紆此一片白雲
也台教至情筆舌難悉率勒書尾潛然淚流

霜天曉角
不堪多聽

復方密之來教兼呈華仲通

昔劉夢得初見太華以爲竒絕後識九子而訝其
之未盡維文亦然觀永社集悲壯虛涼觀七解恢

跌蕩觀稽古堂集峨峨陸離復有填津決海之勢

知才人無所不可弟村鄙何足知年兄願携之登
蒼嘯龍湫與東海山人共之將母康樂之剔隱搜
而獨遺一雁蕩者卽謂此耶不然何其與五峰無
異耶

似陸家
兄弟語

致禮垣周門兄

吳門乍見如夢乍別亦如夢別後圖夢中之見不可
得歸閭以來奉家慈之色笑分梨棗于兒童闔中之

樂弟所得而私之者。乃瑟緒中更孤鴻獨唳。更闌景
闐叩盆而歌。輒復泣數行下。視台度奚啻海淵哉。七
令弟懷竒坎珂。笑笑妻孥靡所控告。殘葉當風驚流
易涸。老門兄爲在朝之鳴鳳。豈不能爲在原之鶴。錫
乎新朝解網之仁。渙于流水而于喁之陋。遙響雲門
左右之力。爲多嗟嗟。一歎一生。乃見交情。一生一死
交情。乃見當今誰爲古。押衙言之可勝于邑。

一結使人淒斷

復陳公遠

翠微僧至。雲翰飛來。東林一片土。兵士相戒不入。
阡陌未改。古室依然。況有良圃名池。竹果森列。三
六洞別爲一天。沐德信之清風。所比遠矣。敝邑爲
吳要衝。徵發之卒。攢植于道家慈內子。匍匐鄉城。服
戒心。驚魂疑魄。戰何嘗不夢姑胥。而鬱陶想芝田。而
杼軸哉。勢不能也。失羣之雁。志在蘆葦。敢復鷹揚。致
勞弋者。鄙意結椽二十里外。一軒一亭。稍可容膝。忻
然至止。願爲老農老圃。鋤風飲月于其中。衰至則負
土而葬焉。惟塗牖下之圭。莫粉柱頭之藻。豈敢時誦。

舉羸以召高明之瞰乎漢書孔明躬耕南陽去城市
纔二十里入林不在險遠也

才情滿紙有
李青蓮之風

為高怡杏致書陳青雷年兄

敝友高某醫傳五世理研六腑岐黃之書無所不窺
欲大行其術于蘭陵而莫為之前徒有三折肱耳老
年翁為人林水鏡使道遇安期生未有不索其神
散者敢先容于左右試之刀圭假之羽翼如桃蟲
有翅御風而行栩栩然不自知其身之已高也

小言微致
翩然自遠

致黃心甫扶輪集于單狷菴

使從雲間來輒索雙魚冀以沉香水浣手長聽誦
不可得干山在望翔審無繇不幾令盧橘笑人乎
盟兄黃心甫雅慕高文特携扶輪集請正集中所較
明詩不減鍾譚兩公尚有存笥一帙曰明詩三十家
字重丘山惟以未成一簣為悵倘獲暫懸徐榻傾其
所見揚扞名流定能使蕉露重鮮璧環再起雖良臣
別業無藉流人而泐上尊羹非得九成思復諸君點

染其中恐東海佳珍徒成殘膾耳昔人云知爾不能
薦羞稱獻納臣弟又安敢以不薦之羞貽右丞他日
恨乎

風藻
撲人

答馬九樵

讀尊詩清婉淒切瑟瑟有憂或疑之長門宮怨予謂
張睢陽塞下歌非明人倫識天道者不能咏王摩
凝碧池頭之句徒自飾其醜耳

蕭騷
激越

復楊荆生來牋

夫奇才必有奇遇亦必有奇阨如孟堅之賓戲子
之解嘲古今同慨是以處仲有唾壺之擊王尊有
衣之泣惟堅忍以勵之勤苦以資之乃克有濟若欲
遨遊風月取法劉郎則今人鐵面石肝將誰為安邑
令誰為聊城矢乎況以足下縱橫之才大兒文舉小
兒德祖而猶欲呢嘗懷斯嗟伊嚙兒于權要之門無
是理也

語有
俠骨

復丁文翁

汝遠兄。廡廡亭。畢化為金粟。精舍可云大布施矣。王
巾有云。宅生者緣業空。則緣廢。存軀者惑理勝。則惑
亡。其是之謂乎。別論建埵為義塚。俾七聖八風咸歸
阿育所云。救溺以手。救火以水。其於生人亦幸矣。敢
不匍匐以應。

津梁
無限

致爾旦弟徵公侄

功名有數。非人力可以強爭。芸窓之下。惟修德讀書。

以候命而已矣。昔韓淮陰有破楚興漢之才。而蒲
下鄉寄生亭。長饑驅釣渚。一飯無門。上將且然况
儒者子。且以孫山為胯下之辱。而決背水于來年
戰何如。

愛之深故
言之切

答唐玉乳先生聽經之約

台臺象駕東驅。雲眸西轉。凡有血氣。莫不尊親。祇緣
某出俗情微。破邪工少。汨汨于利衰。毀譽稱譏。苦樂
之中。行不知所之。坐不知所安。是以逡巡法門。如跣

如○健○佛○家○所○謂○蒼○天○蒼○天○也○今○蒙○指○示○當○頭○一○棒○腰
背○皆○裂○敢○不○致○齋○白○法○恭○聽○玄○言○但○聞○義○學○之○後○沿
爲○因○果○因○果○之○後○轉○爲○禪○學○禪○學○不○明○於○是○有○講○被
於○身○爲○律○說○於○口○爲○法○行○於○心○爲○禪○皆○爲○正○法○眼○藏
而○祖○師○又○有○云○諸○佛○妙○理○非○關○文○字○講○者○爲○誰○聽○者
爲○誰○所○以○聽○者○爲○誰○恐○佛○心○不○明○而○徒○向○安○期○覓○裏
子○美○尋○桃○掇○皮○忘○真○亦○職○謂○之○鸚○鵡○車○耳○况○聽○講
義○有○取○于○化○而○返○顧○此○身○六○根○未○淨○三○業○難○調○以
化○乎○則○不○能○理○空○以○仁○化○乎○則○不○能○求○福○利○以○術
乎○則○不○能○破○緣○業○以○劫○化○乎○則○不○能○見○地○獄○或○如
法○趺○坐○一○兩○月○後○稍○輟○貪○愛○之○萌○得○斷○無○明○之○漸
後○追○隨○道○履○聽○止○觀○經○似○未○爲○晚○吁○惠○能○以○不○識
而○問○佛○義○僧○尼○猶○竊○訝○之○今○以○識○字○之○人○而○不○知○問
佛○義○問○亦○不○解○解○亦○不○行○如○愚○輩○者○真○可○嘆○也○倘○于
可○嘆○之○中○得○大○慈○悲○垂○手○之○救○亦○未○可○知○但○可○知○而
不○可○必○耳○惟○台○亮○之

直是棒喝機鋒但
行以潘樂之筆耳

復天全襄周兩叔觀梅之約

十里紅梅積陰爲限。遊騎有緣。煙霞有福。非如狂蜂浪蝶。可以掠取。花間豈盤裡。周生竟不得爲。山中高士乎。倘能駕一葉舟。乘風遠來。一吐藜床懷抱。或登庾嶺。覓殘梅一兩枝。折去卽無甕酒。可傾。當有村醪可沽也。得一日度一日。得一時度一時。樂天知命。循物理之自然。毀譽稱譏。嗒焉若喪。遑敢憂道。復憂貧乎。昔原憲之語人曰。吾病也。非貧也。惟子貢不受。而貨殖焉。方謂之貧。任今貧耶。病耶。台教中有因達化微妙玄通。不可親疎。不可貴賤之語。將無視以貧爲病。而鵬身之賦。尚未了了于衷耶。

寄託

高遠

外篇

息深子外篇十七章

君子積善如登山。積不善如流水。何謂登山。階而上之。至上至無上。何謂流水。泳而下之。至下至無下。至人無德。無德見德。至人無名。無名見名。至人無壽。無壽見壽。

木迅者凋。獸肥者弱。山峻者童。澤利者涸。故精成寔。

神履虛至人慎之山之童澤之涸胡無毛胡無液知病病去不知病身去君子於神也畜之欲也室之畜而室之斯善畜矣

數行出入丹經素問非亢倉賜冠所可彷彿

或問天傾有諸息深子曰共工氏凶人也天不驕或問老聃韓非龍固禽滑釐慎到之徒理乎曰老聃則孔子師事之矣釋此吾不知也微賢莫若勿賢微莫若勿仁不能堯舜而堯舜之桀紂不能湯武而武之幽厲

墨翟隨巢意顯語質

息深子行乎郊丈人既紼而謳釋紼問曰人有壽何息深子曰壽無殀丈人艷然曰彼北邙之壠壠子若孫之哀哀也奚爲邪曰不觀之蛉蛄乎春而生夏而死夏而生秋而死蛉蛄不知歿而死性然也丈人未達告于大夫錢氏錢氏聞而喜曰子命之矣爾不見蠓蚋乎雨而生霽而死霽而死雨而生蠓蚋不○必○死○而○死○時○然○也○

足破兒女之陋

或問聖可法與曰非法何以名或曰法而泥之懼其遠也譬無杖兀無舟行乎曰書不出孔氏之門者盲行不遵孟氏之塗者兀吾其操舟乎或問道在曰吾生而不知母烏知母之母頭脛無毛室於其胚戶於其胎吾不知其根不知其名或曰食於其精出而乳曰子之明矣吾其牖之乎子知而不知也根其道乎名其道乎或問根曰譬之木然其本不搖柔而下其所生是名爲根道其根乎或人憮然曰子神者

雜置法言中不可復辨

天之上天之下安底乎微底莫若勿鑿鑿將闔天之上天之外安終乎微終莫若勿久久將絕鑿將闔將絕則安所遺其杖而歿於鄧林之鄉

蒙莊之雋

保章氏盛然言曰疇能使日無食日無食則天地治息深子曰日無食則晦朔惑晦朔惑則正閏忒正閏忒則陰陽無節陰陽無節則天地格民其殆哉將有凌犯則彗星見將有流言則風拔木將讒殺則蜥蜴吐電將篡亡則黃霧四塞故日有食之者天之常非

變也。月食有異乎。曰：詩有之。彼月而食，則維其常。此日而食，于何不臧。月視日為差也。然則嗇夫馳庶人，走伐鼓用幣以救之，其為芻靈乎。曰：此人君鑒之以救過之辭，非救日也。嗇夫庶人鑒之以救其君，如救日，然先之也。且每歲一百七十三日，有奇。日月之道，一交義當食，而欲強之使不食，母乃懲噎而廢餐乎。

奇而法

太乙老人年百有八歲，髮鬢然，齒兒然，蹇足遊於彭。据語之曰：子勤於德而壽於善久矣。子避世之

網而居山，岷將與淳芒友乎。吾懼罔兩之促子也。

涉為老人局局然笑曰：吾勞吾德，則肖翹虫倮將

吾賊喪而噍殺是威。吾於世安所願息盜修齡於

地之間。余以是足若槁之植，行若枝之立。唯德是崇

唯德是修，人命也。神順也。時至不逆，時去不逆。遵天

地之紀以行，自然不敢嘗其壽。矻豫其短長。汝方將

謂余久也，知也未也。逮汝言之，氣起然，息憤然。焉知

嚮之乞於支邑先生，而久至此極也。習而逃焉者，屢

矣。罔兩促余乎，遂揭而遊濟水之陰，中遇故人黃姥。

其妻之姊也。黃姥曰：吾謂吾壽以驕吾玄谷。玄谷之人矜吾壽而忘其身勞其形以徇乎久也。見吾子若之何？老人正容對曰：頃彭瑒告余遺其珠子，殆將歿余也。且生無嘗生化，無嘗化去不返者，天也。抱不離者，德也。吾身乎驕人哉？吾身乎驕人哉？黃姥涉濟陰而嘆曰：生矣，得吾教父。

弱水風輪
望洋自失

霜霰之下無日，三辰之下無帝，弓天道也。丘陵下無喬松，沓池之下無道也。盛名之下無士。

士。桎梏之下無佳人，人道也。

典言
破荒

天積精垂象，地積實呈形。得少陽之精為男，得少陰之精為女。得陰陽之精為夫婦，其實一而已矣。天地不交，天地將不久；夫婦不生，夫婦將不老。震巽其天地之端乎。

知微之論
吐故納新

天道無却却，則蹶；地道無還還，則萎；人道無久久，則崩。疇能以天地為屨，以天地為屨，將遊濟滄之肆而

全五初集
已不勞遊濟滄之肆而已不勞吾謂不如其已不如其已則天地將泛又焉能爲屨

空涉
無端

德者得而名也道者蹈而名也仁者人而名也德乎身之謂得蹈乎已之謂道仁乎人之謂仁得乎已而若無得是謂集虛集虛者天地以爲母而況聖人乎古之聖人順而不害淵而不肆鶉而不逆守而不菟菟乎小子哉天下大之焯焯乎時女哉天下懷與天無尤與人無絀子萬物而不知功尸萬民而一

知恩故曰聖人者天地之心也

變而
能常

息深子觀春申之曲飲其泉或曰爾貪之邪曰子我哉老子云水善利萬物而不爭處衆人之所惡其知道乎遊乎充山漁夫獲鮒而舍其鯉獲鯿而舍其鮒問之漁夫曰吾不令若族盡也罟而漑之不以貪乎夫垂荆篠之竿懸獨繭之絲以香金爲鈎以粲粟爲餌者此漁者之漁非隱者之漁也且夫謀食而不謀日將安繼焉息深子曰足哉可與語道

點染清雋有致

耕釣爲朋終日胡盧南畝不治耕者婦妻讓之曰子何業非農業乎將弛襜褕繫絲綸乎昔冀缺耨于草中而其妻饁之敬相待如賓吾賓子也今撻子矣其人喟然太息洒然流涕披衣待旦不崇朝而治百畝焉

野人捕狼藏其骨而粥之醫曰此虎脛也醫以售疾者疾大漸病讓醫醫讓野人聞之官官訊醫曰者以爲虎乎女知其贖而故售之乎抑野人教之山

息深子聞而笑曰吾烏知官之不爲虎而教之乎息深子遊甌江之浦客自東來操舟若神瞬而至浦也問之曰子非三信客邪客曰然我有信子獨信乎曰有以仁義爲舟以忠信爲舵以政教爲蓬於是維之以禮刺之以藝乘之以讓守之以純而浮九天沉九淵無不可也若夫以不仁之人御物是不善游而欲操舟也粹受風波是不善沒而欲游水也其載必臭其有必亡客曰唯唯吾習于海二十九年矣舟行崇嶼之港欲一覆焉行水仙之壑欲一覆焉行

破河之山。又欲一覆焉。其水深而沙植。有奔碌。不風而波。而皆倖免于溺者。蓋因汎以占風。因風以制航。因航以推程。因程以策貨。因貨以航。人因人以計。食因食以綆。水不敢以不信之心。而負若值。急若事也。楚門之漩。暨東北。大礁雖挾。信心不敢往也。

自是長年三老。諸篇根極。理要有子雲之深。而無其詭。有蘭陵之核。而去其駁。在漢唐諸子間。當自置一坐。

箴

攝生箴

行如沖。卧如烘。坐如箕。立如弓。饑求食。渴求汁。寒求衣。暑求笠。子勿淫。卯勿睡。午勿鬪。酉勿醉。日頻轉。頻關。腹頻摩。指頻珊。人非金石。水火同煎。服此數言。庶幾永年。

愈淺近愈真寔。何必嬰姪坎離。

薪齋初集卷之七 終



